



Bosna i Hercegovina  
Federacija Bosne i Hercegovine  
Tuzlanski kanton  
**OPĆINA GRADAČAC**

H.K.Gradašćevića 54, 76 250 Gradačac, telefon 035-817-322, fax. 035-818-716, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

Ovim izvještajem obuhvaćena je problematika boračko-invalidske zaštite, na osnovu pokazatelja rada Službe za boračko-invalidsku zaštitu u domenu zakona koji su regulisali ovu oblast i saradnja sa drugim ustanovama i organizacijama boračkih populacija na području općine.

Period od uspostavljanja Službe za boračko-invalidsku zaštitu pa do danas obilježilo je niz otvorenih i u tom periodu neriješenih problema kada je u pitanju uspostavljanje osnovnih prava na invalidnine kao i problema u oblasti stambenog zbrinjavanja i zdravstvene zaštite pripadnika svih kategorija boračkih populacija.

Iz godine u godinu, stanje u ovoj oblasti se značajno poboljšalo, a prije svega iz razloga što se stvarao pravni okvir na osnovu kojeg su korisnici uvođeni u određena prava i permanentno u saradnji sa boračkim organizacijama radilo se na poboljšanju određenih zakonskih rješenja u korist korisnika prava boračko-invalidske zaštite.

U proteklom periodu, kada je u pitanju stambeno zbrinjavanje i zdravstvena zaštita, veliki pomak je učinjen kada je iz budžeta Općine i Kantona došlo do značajnih izdvajanja novčanih sredstava u tu svrhu i iz godine u godinu određen broj pripadnika boračkih populacija na taj način rješavao je svoja egzistencijalna pitanja.

Isto tako došlo je i do rasta novčanih izdataka za rad boračkih organizacija, koje u saradnji sa ostalim općinskim službama učestvuju u realizaciji raznih projekata koji su značajni prije svega, za rehabilitaciju i socijalno statusna pitanja članstva, kao i širu društvenu zajednicu.

Posebno su značajni projekti na očuvanju tekovina proteklog rata i svih dešavanja u tom periodu.

Sumiranjem svega gore izloženog može se zaključiti da su evidentni značajni pomaci u oblasti boračko-invalidske zaštite, s tim da je neophodno kontinuirano raditi na poboljšanju zakonske regulative i primjeni iste u cilju poboljšanja sveukupnog stanja u ovoj oblasti.

U okviru jedinstvenog općinskog organa Služba za boračko-invalidsku zaštitu (u daljem tekstu Služba) je u toku 2009.godine nastavila sa već započetim postupcima realizacije Zakona o osnovnim pravima branilaca i članova njihovih porodica (Sl. Novine FBiH, broj 33/04). Osim poslova na provođenju ovog Zakona Služba je kontinuirano vodila postupke za ostvarivanje dopunskih prava korisnika boračko-invalidske zaštite u skladu sa Zakonom o dopunskim pravima, (Sl. novine TK, broj 3/07 i 4/08, u daljem tekstu Zakon o dopunskim pravima ...). U izvršavanju svih planiranih poslova i zadataka Služba je intenzivno sarađivala sa ostalim Službama kao i sa nadležnim ogranima i institucijama koje su u okviru Zakona nadležne za određena pitanja koja su vezana za ostvarivanje prava učesnika rata kao i mirnodopskih vojnih invalida. U prošloj godini je došlo do izmjena i dopuna Zakona o pravima branitelja i članova njihovih obitelji (Sl. Novine FBiH, broj 7/07.) gdje je proširen obim prava i na porodice umrlih ratnih vojnih invalida kao i uslova za ostvarivanje prava na PIO penzije i način usklađivanja osnovice za obračun primanja korisnika boračko-invalidske zaštite (u daljem tekstu BiZ-e). Takođe, intezivna saradnja je ostvarena i sa predstavnicima boračkih udruženja u cilju što potpunijeg i kvalitetnijeg ostvarivanja svih prava korisnika.

Trenutna situacija vezano za broj korisnika porodične i uvećane porodične invalidnine sa 30.10.2009. godine, je:

#### Porodična invalidnina

##### Roditelji:

|   |           |     |
|---|-----------|-----|
| Oba roditelja neoženjenog borca             | 402,82 KM | 113 |
| Jedan roditelj neoženjenog borca            | 346,43 KM | 88  |
| Oba roditelja ženjenog borca bez prihoda    | 281,97 KM | 19  |
| Jedan roditelj oženjenog borca bez prihoda  | 217,52 KM | 53  |
| Oba roditelja oženjenog borca sa prihodima  | 120,85 KM | 22  |
| Jedan roditelj oženjenog borca sa prihodima | 73,40 KM  | 52  |

**347**

##### Udove::

|                 |  |     |
|-----------------|--|-----|
| Udove           |  | 244 |
| Udove sa djecom |  | 167 |

**411**

Broj korisnika sa dva ili više poginulih – uvećana porodična invalidnina - 63 korisnika;  
Broj djece korisnika porodične invalidnine - 40 korisnika;  
Broj koji je to pravo ostvario po osnovu nesposobnosti za privređivanje - 3 korisnika.  
(sestre)

Ukupan broj korisnika porodične invalidnine sa 30.10.2009. godine je 864.

Primjenom čl. 25. Zakona o pravima demobilisanih boraca i članova njihovih porodica, koji je stupio na snagu u oktobru 2006. godine, ova Služba je zaprimila ukupno 19 zahtjeva demobilisanih boraca za priznavanje prava na osnovno osiguranje. Pravo na osnovno osiguranje imaju demobilisani borci stariji od 60 godina života, koji ne ostvaruju mjesečna primanja po bilo kom osnovu (penzija, samostalna djelatnost, i sl.), koji nemaju u vlasništvu zemljište veće od 10.000 m<sup>2</sup> i koji se ne nalaze na Birou rada.

Od ukupno zaprimljenih zahtjeva, priznato je pravo za 13 korisnika i data saglasnost revizionog organa za 12 rješenja dok je jedno rješenje u postupku revizije. Odbijeno je 6 zahtjeva.

U skladu sa Zakonom o posebnim pravima dobitnika ratnih priznanja i odlikovanja i članova njihovih porodica, ukupno 9 članova porodica poginulih dobitnika ratnih priznanja i dalje ostvaruju pravo na mjesečni novčani dodatak po osnovu priznanja “Zlatni ljiljan”.

U skladu sa Zakonom o osnovnim pravima boraca i članova njihovih porodica pravo na porodičnu invalidninu po osnovu pogibije u II svjetskom ratu, odnosno smrti ratnih vojnih invalida iz tog rata ostvaruje ukupno 16 korisnika.

Izmjenama i dopunama Zakona o pravima branilaca i članova njihovih porodica koji se primjenjuje od 1.1.2008. godine, utvrđeno je pravo na porodičnu invalidninu udovima umrlih ratnih vojnih invalida, bez obzira na visinu vojnog invaliditeta i postojanja uzročno – posljedične veze između ranjavanja, oboljenja i smrti. Tako da je u 2009. godini zaprimljeno 9 zahtjeva za priznavanje prava na porodičnu invalidninu iza umrlih ratnih vojnih invalida.

Ukupan broj zaprimljenih zahtjeva za priznavanje prava na porodičnu invalidninu je 33:

- priznato pravo - 8 korisnika (6 prošlo reviziju, 2 na reviziji);
- u postupku - 1 predmet (čeka se nalaz i mišljenje ljekarske komisije).

Po službenoj dužnosti pokrenuto 234 postupka (postupci vezani za nastavak prava djeci u novoj školskoj godini, smrt korisnika i sl).

|                     |     |
|---------------------|-----|
| - urađeno rješenja: | 214 |
| - u postupku        | 20  |

Pravo na ličnu invalidninu, dodatak za njegu i pomoć od strane drugog lica i ortopedski dodatak ostvaruju ratni vojni invalidi - ranjeni, povrijeđeni i oboljeli pripadnici Oružanih snaga BiH prema Zakonu o pravima branilaca i članova njihovih porodica („Službene novine Federacije BiH“, br. 33/04 i 70/07), kod kojih je nastupilo oštećenje organizma najmanje za 20%, a što utvrđuje Prvostepena ljekarska komisija u Tuzli.

#### Ratni vojni invalidi

I grupe sa 100% trajnog vojnog invaliditeta 14 korisnika,  
II grupe sa 100% trajnog vojnog invaliditeta 26 korisnika,  
III grupe sa 90% trajnog vojnog invaliditeta 23 korisnika,  
IV grupe sa 80% trajnog vojnog invaliditeta 36 korisnika,  
V grupe sa 70% trajnog vojnog invaliditeta 74 korisnika,  
VI grupe sa 60% trajnog vojnog invaliditeta 95 korisnika,  
VII grupe sa 50% trajnog vojnog invaliditeta 80 korisnika,  
VIII grupe sa 40% trajnog vojnog invaliditeta 118 korisnika,  
IX grupe sa 30% trajnog vojnog invaliditeta 125 korisnika,  
X grupe sa 20% trajnog vojnog invaliditeta 83 korisnika.

Od korisnika tuđe njege i pomoći I stepena je 13 korisnika, II stepena je tri i III stepena jedan korisnik što ukupno čini 17 korisnika.

Ortopedski dodatak u I stepenu koristi 27 u II stepenu 38 i III stepenu 88 korisnika što ukupno čini 153 korisnika.

Na evidenciji ove Službe ukupno se nalazi 676 ratnih vojnih invalida od toga 664 sa trajnim invaliditetom i 12 sa privremenim invaliditetom.

Po osnovu ranjavanja – povređivanja 565 korisnika je ostvarilo pravo na određeni procenat invalidnosti, dok je po osnovu kombinacije ranjavanja i oboljenja 21 korisnik ostvario pravo, a 90 korisnika je ostvarilo pravo po osnovu oboljenja.

Na evidenciji Službe nema mirnodopskih vojnih invalida.

U toku 2009.godine podnešeno je 18 zahtjeva od čega je 8 odbačeno kao neblagovremeno, a 9 upućeno na PLJK zbog pogoršanja zdravstvenog stanja RVI-a i svi su odbijeni kao neosnovani.

Po službenoj dužnosti odlučeno je u 21 predmetu i to: urađeno je 8 rješenja o prestanku prava zbog smrti korisnika, tri predmeta su preuzeta iz drugih općina, jedan predmet je upućen na PLJK i devet predmeta riješeno u obnovljenom postupku.

U toku 2009.godine izjavljeno je 17 žalbi od čega je 8 odbijeno kao neosnovane, 9 je još na rješavanju u Federalnom ministarstvu za pitanja boraca i invalida odbrambeno-oslobodilačkog rata Sarajevo.

Od početka primjene novog Zakona podneseno 36 tužbi od toga je 8 uvažene, 21 odbijeno, 7 neriješeno.

Prema članu 25. gore navedenog Zakona, porodice ratnog vojnog invalida koji su ostvarili pravo na porodičnu invalidninu i koji su sa tim licem u vrijeme do njegove smrti živjeli u zajedničkom domaćinstvu, imaju pravo na jednokratnu novčanu pomoć u visini od 100% od osnovice iz člana 12. stav 2. Zakona, ukoliko to pravo ne mogu ostvariti po drugom osnovu.

Navedeno pravo u 2009.godini ostvarilo je 5 korisnika. Iznos naknade u zadnjem slučaju je bio 805,64 KM.

Prema članu 45. Zakona o zaštiti boraca NOR-a jedan korisnik ostvarilo je pravo na naknadu za sahranu iza smrti korisnika prava na osnovno obezbjeđenje.

Prema članu 35. Zakona o dopunskim pravima ... i s tim u vezi Pravilnika o kriterijima i postupku za odobravanje jednokratne pomoći u slučaju smrti branioca, broj 15/1-02-1306/07 od 25.5.2007.godine donesenog od strane Ministarstva za boračka pitanja Tuzla, član porodice umrlog ratnog vojnog invalida (koji nije korisnik porodične invalidnine iza umrlog RVI-a), umrlog člana porodice šehida-poginulog braniteja i umrlog demobilisanog borca, s kojim je umrli živio u zajedničkom domaćinstvu u vrijeme smrti, ima pravo na novčanu pomoć, najmanje u visini prosječne mjesečne neto plaće isplaćene u Federaciji BiH u prethodnoj godini (751,30 KM).

U toku 2009. godine podnesena 52 zahtjeva od toga je 51 pozitivno riješeno, 1 zahtjev odbijen.

Na osnovu Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj 70/05), dobitnici ratnih priznanja ili odlikovanja imaju pravo na mjesečni novčani dodatak utvrđen u članu 5. Zakona u iznosu od 330,00 KM mjesečno u ovoj godini za Zlatni ljiljan, ostala priznanja 165,00 KM i za Red hrvatskog pletera 66,21 KM. Isplatu naknada vrši Federalno ministarstvo, s tim da su iznosi umanjeni za 10% shodno odredbama Zakona o uštedama.

Naknadu po gore navedenom osnovu prima :

- 29 dobitnika Zlatnih ljiljana
- 5 dobitnika Srebrne policijske značke
- 1 dobitnik Srebrenog štita
- 1 dobitnik Reda hrvatskih pletera

Pravo na ličnu invalidninu, dodatak za njegu i pomoć od strane drugog lica i ortopedski dodatak ostvaruju ratni i mirnodopski vojni invalidi koji su svoja prava po osnovu ranjavanja-oboljenja u toku Drugog svjetskog rata, kao i u toku službe u JNA, ostvarili do 1992.godine prema Zakonu o osnovnim pravima vojnih invalida i porodica palih boraca („Službeni list RBiH“ br.2/92,6/94 i 13/94).Na evidenciji Službe nalaze se 4 ratna vojna invalida i 22 mirnodopska vojna invalida

Ratni vojni invalidi sa procentom od 50% do 100% imaju pravo na povlastice prilikom nabavke motornog vozila, uz obavezu izkaska na pregled kod Prvostepene ljekarske komisije u Tuzli i uz obavezu uplate određenih novčanih sredstava na račun Instituta za medicinsko vještačenje zdravstvenog stanja. U toku 2009.godine gore podneseno je 8 zahtjeva od čega je 5 pozitivno riješeno, dva na rješavanju a jedan zahtjev vraćen – nije za procjenu.

Na osnovu člana 6.stav 1. Zakona o dopunskim pravima ... i člana 1. Zakona o izmjenama i dopunama Zakona o dopunskim pravima branilaca i članova njihovih porodica («Službene novine Tuzlanskog kantona», br.4/08), uspostavljana su prava na zdravstvenu zaštitu i to:

- za DB po službenoj dužnosti 254 rješenja;
- za RVI po službenoj dužnosti 240 rješenja;
- za PŠ-PB po službenoj dužnosti 200 rješenja.
- za porodice umrlih DB po službenoj dužnosti doneseno 4 rješenja;

Odbijenih zahtjeva za priznavanje prava na obavezno zdravstveno osiguranje ukupno 4.

Ukupno 693 rješenja zdravstvene zaštite.

Na osnovu člana 12.Zakona o dopunskim pravima....i člana 44.stav 3. Odluke o proširenom obimu prava iz oblasti zdravstvene zaštite branitelja i članova njihovih porodica («Službene novine Tuzlanskog kantona», br.8/07), dostavljeno je Komisiji pri Ministarstvu za boračka pitanja TK 33 zahtjeva RVI za banjsko-klimatsko liječenje.

Komisija za upućivanje na banjsko-klimatsko liječenje, Ministarstva za boračka pitanja TK je donijela Odluke na osnovu kojih je Služba uradila rješenja, tako da je 10 RVI upućeno na medicinsku rehabilitaciju u banjsko-klimatsko liječenje u Banja „Fojnica“ , a odbijeno je 23 zahtjeva od strane Komisije. Za dato pravo donesena su 33 rješenja.

Na osnovu člana 42. Zakona o dopunskim pravima....., člana 45. Odluke o proširenom obimu prava..... i Pravilnika o kriterijima i postupku za odobravanje nadoknade troškova prijevoza radi liječenja branilaca u Bosni i Hercegovini, br.15/1-41-588-SI/08. od 5.3.2008. godine, doneseno 7 rješenja za RVI i spisi dostavljeni Komisiji pri Ministarstvu, koja je odobrila za svih 7 RVI nadoknadu i ista je isplaćena u Službu putem blagajne u iznosu od 431,75 KM.

Na osnovu člana 7.Zakona o dopunskim pravima....., člana 14.Odluke o proširenom obimu prava..... i Uputstva o postupku nabavke/izrade ortopedskog i drugog pomagala i endoproteze Ministarstva za boračka pitanja TK, br.15/1-1336-SI/08. od 13.5.2008.godine doneseno 19 rješenja za RVI i spisi dostavljeni Ministarstvu na Upravni nadzor.

Za ortopedska pomagala za gornje i donje ekstremitete, na osnovu člana 7. Zakona o dopunskim pravima....., člana 9.Odluke o proširenom obimu prava... i Uputstva o postupku nabavke/izrade ortopedskog i drugog pomagala....doneseno 7 rješenja za RVI i spisi dostavljeni Ministarstvu na Upravni nadzor.

Za korekcije ortopedskog pomagala- gornjih i donjih ekstremiteta, na osnovu člana 7.Zakona o dopunskim pravima.....i člana 9.stav 4. Odluke o proširenom obimu prava.....donesena jedno rješenje za RVI i spisi dostavljeni Ministarstvu na Upravni nadzor.

Za aparate i trake za mjerenje šećera u krvi, na osnovu člana 47.Odluke o proširenom obimu prava iz oblasti zdravstvene zaštite branitelja i članova njihovih porodica («Službene novine Tuzlanskog kantona», br.8/07) donesena su 4 rješenja za RVI i spisi dostavljeni Ministarstvu na Upravni nadzor.

Na osnovu člana 3. Pravilnika o kriterijima i postupku za odobravanje lijekova, sanitetskog materijala i dezinfekcionih sredstava ratnim vojnim invalidima, br.15/2-586-SI/08. od 12.3.2008.godine i člana 35. Odluke o proširenom obimu prava iz oblasti zdravstvene zaštite.....doneseno je 40 rješenja za RVI na osnovu kojih je Komisija Ministarstva za boračka pitanja TK odobrila lijekove, dok se 3 spisa se nalaze u Ministarstvu na rješavanju.

Na osnovu člana 43 stav 1. Zakona o dopunskim pravima...., Pravilnika o kriterijima i postupku za odobravanje jednokratne pomoći braniocima i članovima njihovih porodica, br.15/1-41-1942/07. od 1.7.2007.godine i Pravilnika o izmjenama i dopunama Pravilnika o kriterijima i postupku za odobravanje jednokratne pomoći braniocima i članovima njihovih porodica, br.15/1-02-1942-1/07. od 3.10.2007. godine, Komisiji pri Ministarstvu za boračka pitanja dostavljeno 82 zahtjeva sa socijalno-anamnestičkim podacima za jednokratnu pomoć za rješavanje socijalnih potreba korisnika boračko-invalidske zaštite. Na osnovu odluke Komisije, Služba donosi rješenja o odobravanju i visini jednokratne novčane pomoći, tako da je za 130 korisnika donijela ista, i to:

- za porodice umrlih demobilisanih boraca 2 rješenja;
- za demobilisane borce 103 rješenja;
- za ratne vojne invalide 25 rješenja i
- pet rješenja o odbijanju zahtjeva.

Ukupno je doneseno 135 rješenja na osnovu kojih si isplaćena sredstava putem Službe u iznosu od 11.8560 KM.

Na osnovu člana 43. stav 2. Zakona o dopunskim pravima....Pravilnika o kriterijima i postupku za odobravanje jednokratne pomoći braniocima i članovima njihovih porodica, br.15/1-41-1942/07. od 1.7.2007.godine i Pravilnika o izmjenama i dopunama Pravilnika o kriterijima i postupku za odobravanje jednokratne novčane pomoći braniocima i članovima njihovih porodica, br.15/2-02-1942-2/08. od 30.7.2008.godine, Komisiji pri Ministarstvu je dostavljeno 45 zahtjeva sa socijalno-anamnestičkim podacima, demobilisanih nezaposlenih boraca i nezaposlenih ratnih vojnih invalida za jednokratnu novčanu pomoć za nabavku udžbenika za učenike, petog, šestog, sedmog i osmog razreda osnovnog obrazovanja. Zahtjevi se već dva mjeseca nalaze u Ministarstvu na rješavanja. Neophodno je istaći da su odobreni udžbenici iz predhodne godine vraćeni u školske biblioteke i ponovo dodijeljeni za ovu školsku godinu novim polaznicima iz kategorija korisnika za koje su odobreni.

Na osnovu Uredbe o kriterijima i postupku odobravanja finansijskih sredstava za liječenje branilaca i članova njihovih porodica («Službene novine Tuzlanskog Kantona,» br.8/07.) urađeno je 4 zahtjeva sa socijalno-anamnestičkim podacima korisnika boračko-invalidske zaštite i dostavljeno Komisiji pri Ministarstvu za boračka pitanja za finansijska sredstva za pomoć u dugotrajnom liječenju teških i trajnih bolesti: akutne tuberkuloze, malignih oboljenja, degenerativnih oboljenja centralnog nervnog sistema infarkt ( srčani ili moždani) itd. Isti su vraćeni Službi zbog nedostatka novčanih sredstava.

Na osnovu člana 8.Zakona o dopunskim pravima....., i člana 2. stav 1. tačke c) Odluke o proširenom obimu prava iz oblasti zdravstvene zaštite branitelja i članova njihovih porodica, Ministarstvo za boračka pitanja obezbjeđuje higijensko-sanitetski materijal za RVI - osobe sa paraplegijom, tako da je istima izvršena podjela tri puta, a do kraja godine je predviđena još jedna podjela. Takođe za RVI – osobe sa paraplegijom je doneseno 7 rješenja za nabavku antidekubitalnih jastuka sa zračnim komoricama i ista su dostavljena Ministarstvu za boračka pitanja na dalju realizaciju.

Na osnovu člana 39.stav 1. Zakona o dopunskim pravima.... i člana 2. Zakona o izmjenama i dopunama Zakona o dopunskim pravima branilaca i članova njihovih porodica, doneseno je 45 rješenja za dobitnike najviših ratnih priznanja i odlikovanja, koji imaju pravo na jednokratno novčano primanje u toku jedne kalendarske godine, a na koja je Upravni nadzor dao saglasnosti. Odlukom Ministarstva za boračka pitanja, br.15/1-41-87531/09. od 15.6.2009.godine odobrena su novčana sredstva općini Gradačac u iznosu od 18.540,00 KM, na osnovu koje je Služba izvršila podjelu i ista opravdala Ministarstvu nakon okončane isplate.

Ministarstvo za boračka pitanja TK vrši uplatu doprinosa na obavezno zdravstveno osiguranje za korisnike BiZ-a pa shodno tome svaki mjesec se rade spiskovi osiguranika i vrši poravnanje sa Poslovnicom zdravstvenog osiguranja, gdje se zapisnik potpisan od strane Poslovnice i BiZ-a, dostavlja Ministarstvu kao i spiskovi osiguranika.

Na osnovu člana 6. stav 7. Zakona o dopunskim pravima....., Ministarstvo snosi troškove plaćanja neposrednog učešća osiguranih osoba u troškovima korištenja zdravstvene zaštite – premije osiguranja za korisnike boračko-invalidske zaštite, pa je na osnovu toga aktivnost trajala pet mjeseci, gdje su donesena rješenja i ista dostavljena Ministarstvu na Upravni nadzor, a marticu premije dobilo 8.127 korisnika, gdje su donesena rješenja i ista dostavljena Ministarstvu na Upravni nadzor.

U skladu sa gore navedenim Zakonom, odnosnom primjenom člana 30. u toku 2009. godine, podnešeno su 2 zahtjeva za ostvarivanje prava na novčanu naknadu za postavljene nišane-nadgrobne spomenike. Pravo na novčanu naknadu su imali članovi porodica poginulih boraca koji su vlastitim sredstvima podigli nišane, nadgrobne spomenike, odnosno da za iste nisu urađena jedinstvena spomen obilježja finansirana od strane Ministarstva za boračka pitanja Tuzla.

Na osnovu priznatog prava od ove Službe (rješenjem), Ministarstvo za boračka pitanja TK je potvrdilo rješenja ove Službe i dostavilo rješenje o odobravanju isplate za 2 korisnika u ukupnom iznosu od 990,00 KM. Pravo na novčanu naknadu za postavljene nišane-nadgrobne spomenike od 2006. do 2009. ostvarilo je ukupno 94 korisnika.

U skladu sa članom 24. Zakona vezano za rješavanje stambenih potreba boraca i članova njihovih porodica u toku marta 2009. godine raspisan je javni oglas za dodjelu bespovratnih sredstava za stambeno zbrinjavanje boračkih populacija. Oglas je bio otvoren od 1.6. do 30.6.2009. godine. Ukupna iznos sredstva dodijeljena za našu Općinu je 595.200,00KM.

Ukupan broj zaprimljenih zahtjeva je bio 161, i to:

- 25 zahtjeva RVI;
- 17 zahtjeva PŠ i PB;
- 119 zahtjeva DB;

U postupku je utvrđeno da je:

- 25 nekopletnih zahtjeva;
- 5 neosnovanih,
- 12 stambeno riješena,
- 119 je učestvovalo u postupku za dodjelu sredstava.

Nakon okončanja postupka odobrena su sredstva za 38 aplikanta, i to :

- 13 RVI ( 217,900, 00KM);
- 9 PŠ i PB(154,600,00KM);
- 16 DB(222.700,00KM).

U 2009. godini Općinski načelnik je po zahtjevima korisnika prava i boračkih organizacija, u skladu sa Statutom i Odlukama Općinskog vijeća, svojim odlukama odobravao sredstva za sljedeće namjene: pomoć u troškovima liječenja, prikupljanja urbanističko-građevinske dokumentacije za rješavanje stambenog pitanja boraca, obilježavanja značajnih datuma, jubileja i druženja boračkih organizacija, održavanja skupština tih organizacijakao kao i učestvovanje u izgradnji spomen obilježaja u MZ, i sl.

U skladu sa planiranim budžetskim pozicijama za 2009.godinu donešeno je 11 odluka za utrošak sredstava na ime finansiranja obilježavanja značajnih datuma i projekata boračkih organizacija u ukupnom iznosu od 57.316,94 KM.

Za subvencioniranje izdavanja građevinskih dozvola donešeno je 12 odluka i odobrena sredstva u iznosu od 5.315,12 KM.

Po osnovu prava osnovnih i dopunskih Služba je izdala 1.640 uvjerenja (oslobađanja plaćanja administrativnih, kredita, sudskih taksi, povlastica pri upisu u škole, fakultete, stipendije, registracija vozila, ostvarivanje prava pri Centru za socijalni rad, prijave na Biro rada, i sl.)

Obračun invalidnina za korisnike boračko invalidske zaštite vrši se na osnovu Odluke Vlade FBiH u skladu sa Instrukcijom o načinu obračuna sredstava invalidnina (za svaki mjesec u godini) od strane Ministarstva za boračka pitanja TK.

Pregled isplaćenih sredstava za korisnike boračko-invalidske zaštite Gradačac

| Mjesec        | Lična invalidnina   | Porodična invalidnina | Stari korisnici  | <b>Ukupno</b>       |
|---------------|---------------------|-----------------------|------------------|---------------------|
| Januar        | 150.027,78          | 305.232,78            | 3.776,68         | 459.037,24          |
| Februar       | 144.990,70          | 305.088,99            | 3.776,68         | 453.856,37          |
| Mart          | 159.299,03          | 308.339,74            | 3.724,23         | 471.363,00          |
| April         | 157.445,15          | 302.273,35            | 3.671,78         | 463.390,28          |
| Maj           | 147.392,01          | 307.042,79            | 3.671,78         | 458.106,58          |
| Juni          | 149.579,01          | 308.014,15            | 3.607,09         | 461.200,25          |
| Juli          | 146.892,04          | 299.171,61            | 3.607,09         | 449.670,74          |
| Avgust        | 145.977,58          | 296.073,13            | 3.607,09         | 445.657,80          |
| Septembar     | 144.608,78          | 289.023,91            | 3.607,09         | 437.239,78          |
| Oktobar       | 144.476,66          | 292.939,33            | 3.607,09         | 441.023,08          |
| <b>ukupno</b> | <b>1.490.688,74</b> | <b>3.013.199,78</b>   | <b>36.656,60</b> | <b>4.540.545,12</b> |

Od strane Ministarstva za boračka pitanja TK i ove godine raspisan je Konkurs za dodjelu stipendija đacima i studentima, ali procedura još nije okončana tako da nemamo konkretne pokazatelje o broju dodijeljenih stipendija za našu općinu.

Osim gore navedenih aktivnosti vezanih za dopunska prava korisnika, Služba je tokom ove godine obavljala i druge poslove i zadatke vezane za oblast boračko-invalidske zaštite. Tako je putem Koordinacionog odbora za podizanje nišana-spomenika šehidima i palim borcima, u toku 2009.godine nastavljeno oblaganje preostalih postamenata mermerom i nastavljeni su radovi na uređenju mezara-grobova sa bijelom rizlom i zasađivanjem zimzelena, te se naredne godine očekuje završetak ovog projekta.

Za Centralno mezarje sa spomen obilježjem u Mahmut Mahali urađen je idejni projekat te su u toku aktivnosti oko izrade projekta prve faze (rekonstrukcija ograde i fiksiranje nišana) što je kao prioritet za narednu godinu dok se za naredni period planira rekonstrukcija cjelokupnog prostora sa spomen-obilježjem.

Tretiranje boračkih udruženja kao udruženja od posebnog interesa ostaje i dalje prioritet u pogledu saradnje i finansiranja u skladu sa članom 54. Zakona o dopunskim pravima ... i usvojenim Budžetom općine. Na osnovu programa rada i izvještaja o radu vršeno je doznačavanje novčanih sredstava kao transfer boračkim udruženjima za pomoć korisnicima koji su u stanju socijalnih potreba i za redovni rad. Isto tako, udruženja iz svojih sredstava kao i do sada, izdvajaju značajna sredstva za dodjelu stipendija za učenike i studente korisnika prava boračko-invalidske zaštite

U junu mjesecu ove godine okončana je izgradnja objekta Centralnog spomen obilježja šehidima, poginulim borcima i civilnim žrtvama rata 1992-1995.godine čija je ukupna vrijednost 370.067,95 KM. Svečano otkrivanje je izvršeno 5.juna i po reakcijama svih učesnika ocijenjeno je kao veoma uspješno. Ukupni troškovi otkrivanja iznosili su 33.500,00 KM.

U konstrukciji finansiranja izgradnje Centralnog spomen obilježja predviđena sredstva od viših nivoa vlasti nisu dobivena, osim iznosa od 10.000 KM odobrenih na osnovu konkursa raspisanog od strane Ministarstva za boračka pitanja TK za 2008.godinu.

U izvještajnom periodu služba je sve poslove i zadatke obavila u Zakonom predviđenim rokovima.

Primjena Zakona o osnovnim pravima ... je u potpunosti ispoštovana od strane prvostepenog organa kao i Zakona o pravima demobiliziranim branilaca ... ali isplate invalidnina i naknada u ovom vremenu ne mogu u potpunosti zadovoljiti potrebe korisnika prava boračko invalidske zaštite.

Gradačac, novembar 2009.godine

Općinska služba za boračko-invalidsku zaštitu